

սլրբատօնի⁸⁰ մեջ: Շրոուրփանին քարը կախված է ֆօլի օգնությամբ: Շրոուրփանից հացահատիկը թափվում է ճրղացրֆարի կենտրոնական ծակի մեջ ձագարանման բօղազլրզավ: Ճրղացրֆարը բարձրացնում են ամուր փայտե կամ երկաթե լէնզավ կամ երկաթե լօմբավ⁸¹ և սահեցնում են երկու ծայրերին հաստ գլուխներ ունեցող զլանով:

Այսպիսի մի ջաղաց 24 ժամվա մեջ կարող է աղալ 8—10 փութ (մոտ 1—1/2 ցենտներ) հացահատիկ:

Առաջին ալյուրից հենց տեղնուտեղը ջաղացում թխվում է փոքր բօւէնի մեջ բաղարճը⁸² և բաժանվում է ներկա եղողներին: Այս մագիկ Ֆիջոցառումն ալյուրի առատությունը, բարաֆւթն⁸³ ապահովելու համար էր:

Ժողովուրդը հավատում էր, որ ջաղացի տակը ֆաշէրն են սիրում ապրել, մանավանդ, բօփի՝ անիվի տակ: Կան մեկնողներ, թե այդ հասկացողությունը ծագել է այն բանից, որ ժողովուրդը ջրի անկման շարժիչ ուժը վերագրում է ոգիների միջամտությանը՝ իբրև նրանք են, որ անիվը պտտեցնում են:

Հացահատիկը վերամշակվում է ոչ միայն ալյուր, այլև ձավար ստանալու համար: Վերջին նպատակով գերադասվում է հաճարը: Չավարը պատրաստվում է դինգի⁸⁴ օգնությամբ: Դինգը փորվում է կամ մայր ժայռի մեջ կամ շարժական ծանր քարի մեջ: Նրա դաստան՝ թակիչը բռնում են երկու ձեռներով:

Թե՛ գետնի մեջ փորած և թե՛ ազատ դինգէրը հայտնաբերված են պեղումների միջոցին ուրարտական ժամանակաշրջանի ժողովրդական բնակարաններում, օրինակ՝ Կարմիր բլուրի ամրոցին կպած բնակավայրում⁸⁵:

Ս Ր Ա Ն ՈՒ Ց

Հողագործության արտադրանքներից յուղատուները վերամշակվում են ձիթահանքերում, որոնք այստեղ, ինչպես և հարևան գավառներում՝ Լեռնային Ղարաբաղում, Գանձակում կոչվում են սրաննից, Մեղրու շրջանում՝ սի՛րաննուց, մի բառ, որ ծագում է սրել, սուր բառերից, մինչդեռ այլ վայրերում գործ է ածվում ձիթահանք անունը: Հին գանգեզուրցու սննդի մեջ կենդանական յուղից ոչ պակաս կարևոր նշանակություն ուներ ձեթը, նույնիսկ այն ժամանակ, երբ կրոնական ջերմեռանդության թուլացման հետևանքով շրեքաբթի և ուրբաթ օրերին, յոթշաբաթյան մեծ պատին և այլ տևական պատերին մսեղեն և յուղեղեն կերակուրներից հրաժարվելու սովորությունը ոչ միայն երիտասարդների, այլև ծերացած սերունդի մեջ հետզհետե ավելի ու ավելի խախտվում էր՝ մինչև իսկ բոլորովին վերանում: Այդ է պատճառը, որ նախահեղափոխական պայմաններում ձիթատու բույսերի մշակության հատկացրած տարածությունն այնքան էլ սահմանափակ չէր: Ցանվում էին և այժմ էլ ցանվում են կտավհատը, ֆունջուրը, հրլծուկը: Նրանցից ձեթ հանելու համար 1886 թվին միայն արքունական գյուղերու⁸⁶ գործում էին 24 սրա-

⁸⁰ Իլրա՛տօն.—Մեղրու բարբառով:

⁸¹ Լօմբ, ռուս. лом բառից:

⁸² Հաց առանց աղի և թթվամորի, Մեղրու բարբառով՝ պա՛ղան:

⁸³ Մեղրու բարբառով:

⁸⁴ Շատ մեծ հավանգ:

⁸⁵ Пиотровский Б. Б., Урарту, 1944, էջ 173:

⁸⁶ Зелинский С. П., նշված աշխ., էջ 122: